

养一斋集



養式筵集

香

道炁二十九
南豐譚祖同署



序

其也

序

余之知潘四農也因張亨甫亨甫告余曰吾徧交海內賢士以詩契合者眾矣大半皮骨聾響之間耳吾嘗喜人攻其短曩在京師得徐廉峰鄭雲麓黃樹齋評刺吾詩多中而尤精當者潘四農也余聞亨甫諸許稱太信然亨甫曰匪惟論詩其爲人也類有道君子已而毛生甫來言四農一如亨甫余慕之爲書延四農教子若壻四農欣然至揚州其從來者弟子吳君大田及其子亮弼也于時朝夕聚處縱觀所爲詩文精深奧突一語之造有耐人百日思者竊歎張毛二君不我欺也余嘗與四農生甫各攜其弟子

游金焦二山信宿賦詩一時興趣邈然若與造物者冥游
八極之表曾不知哀樂之何寄嗟乎人生倏忽耳安能常
有此境哉已而四農北去李申耆偕其弟子與吳仲倫左
石僑及亨甫後先復至申耆弟子吳君儁爲余作談藝圖
寫諸君之貌甚工諸人旋散余亦渡海逾三年則聞四農
物矣邇過佳四農墓直已宿余以縲綬之身不能往哭忍
慟而行是時仲倫申耆生甫皆已亡亨甫偕余北上物于
京師石僑繼之談藝諸人風流頓盡矣又五年四農弟子
刻其師遺集旣成吳君大田兩以書來屬余爲序其何能
辭乃述其所以交四農者黯然識之如此道光二十九年

上元後六日桐城姚瑩序

壬子年六月附錄

先詩文集二十六卷刊成後卽流布在外時一校讀譌
字甚多茲將前後改補者通記于末以僂藏者檢勘

集目卷之十題林天素叢蘆宿雁圖天素誤作雪詩同

卷之二十一拜都參贊公家傳脫家字

卷之二詩白雲二章前一章不樂則那則誤在

卷之三題熊百谿山水冊注劉州牧乃大誤孝廉

卷之五奉懷仰山先生蘭陽第二首長淮浪春天春誤

春 贈徐鏡谿水部前一首鑄鏡忘自照忘誤妄

卷之六雜詩前一首眩眩上閨闔誤眩眩

卷之八與通甫恩恩朝海霞誤忽忽 奉別樹齋先生

前一首朗朗扶朝暉扶誤挾 桃花橋注壬午誤辛

已

卷之九仲秋之秣陵省舅氏前一首俚俚迷所之迷誤

述 寄到渠春江變醕耐醕誤除

卷之十曉起與亭甫聯句第二首高林暖清露陵誤煖

卷之十一幽惕賦飭幽獨于寤歌飭誤飾 礪志賦苟

束修以飭事兮飭誤飾 驅夢賦奮刃一劘刃誤刀

卷之十二王陽貢禹論無昧其本心哉誤作心本

卷之十三論南氏通鑑綱目前編率不精審審誤當

重黎夔子不祀鬻熊與祝融祝誤祀

卷之十四論王仲衡人鬼說四是卽祭祀卜筮之類也
又天命非卽鬼神也又不知理卽存于形氣三卽字
皆誤作有 駁元會運世則當吾今日今誤之 其
三釁則元會運世之說出運誤在說字下

卷之十六本卷分類說下脫解字

戒愼恐懼卽愼獨

說豈眞缺此一段功夫眞誤愼

聖人只是修道是

誤在 不待舉動而敬敬誤靜

中者天下之大本

說仁義禮智梃于心禮誤理

郊社說無不箝口結

舌箝誤藉

祭帝于郊就陽位也帝誤地

社在北

郊脫在字

周公居東二年東征三年解而非古文

最當又下是遷雖從安國問最當是二字誤作當矣
况 故皇王大紀下脫繫多方于前五字 四國是
毗四誤是

卷之十七續推命對不相出入焉焉誤也 終于自棄

焉矣脫矣字 賢智者聞之智誤之 記言二後天

而奉天時天時誤之時 駁議陽林舒蔭蔭誤陰

有客揚頰舉眉頰誤額

卷之十八誦芬堂詩序積按盈箱箱誤廂 姚梅伯詩

序然則詩之是非安辨之誤人 江龍門詩序而後

發搗其才氣發誤撥

卷之二十養一齋記程子之養一也難之誤一

卷之二十一與邱勤子書蓋生則有所愧也生誤身

荅玩次玉書惟士亦然亦誤不而不自策勵自誤

知

卷之二十二再與張亨甫書又不必其言之出于我言

誤有與孔生繼鏢書亦既見止既誤能輒欲取

此互相厲相誤來與張亨甫書多疵生於妄言疵

誤疾與魯通甫書以探求聖人之本意本誤心

卷之二十三錢節婦傳論宋德祐炎興閒祐誤祐

卷之二十四繆星潭哀辭偶萍椶之相值椶誤椶馬

生哀辭而生之父及世父父誤人 登高阜眇爾居

兮兮誤父 祭陸生文注仕蹟詳江南通志仕誤世

卷之二十五念石子夏雨既霽節狎而譟之之誤焉

卷之二十六喪禮正俗病瀕死文若平居偶不在此偶

誤仍 反哭而賀文然禮文具怛惻而詳至詳誤祥

同治八年春二月男亮彝謹校

詩宜痛刪改必浮靡之音去而真慤之氣來語語有用方謂之言立

先刪詩次刪句次改句真處萬不可不畱率處萬不可不去真率之間不容髮殊不易辨也然真則厚率則不厚亦不難辨耳

詩只一字訣曰厚厚必由於性情然師法不高烏得厚也清贍方可學詩迺鍊方可作詩超雅方爲名家渾化方爲大家試自考來

余幼奉庭訓讀漢魏李杜詩最洽熟杜詩尤多未冠先子見背操筆學詩苦無指授漫然棄幼所讀者案頭有一部

精華錄亦知其非絕境然薰染數月遂專趨中晚唐人蓋
劉賓客張司業李昌谷溫飛卿杜司勛許丁卯皆其所涉
歷者已乃謂韓蘇爲鉅觀年少氣盛愛爲盡言殊自豪也
至二十六七歲迺知以陶公爲法於詩漸辨好醜近四十
歲稍就確實以杜爲宗而精力不專學問不廣子美之門
牆至今不能入況堂堂乎哉使從一二十歲時常取趨庭
時所讀者朝夕研習何至費如許轉折而不得達也悲痛
悔恨莫甚於此

余詩逃不得一雜字蓋命意甚妄欲作無不有之大家而
今則竝名家而不能也此又可恨之一端也道光九年己

丑五月四農書於養一齋

作詩三十餘年仍有淺薄之病專求渾求實方有長進處
乙未六月四農再書

詩必澹雅渾大乃可以示天下己亥四月四農三書

在正統四年歲次庚午

年歲次庚午

心未六月四日

書

養一齋集目四首

夢中詩三首

雜詩二首

賦

卷之一

對聖

春日齋中

春愁曲

賦

讀史八首

射湖晚泊二首

朝飲酒

雜詩二首

湖上暮雨

臺城偶題

車遙遙

君馬黃

巫山

高戰城南

有所思代相逢行

古離別

螢

蟬

澗旱

雜詩六首

登郡城樓二首

贈邛

丈古塘二首

放歌行

醉歌

夾江竹園

江口

間笛冬夜讀先子笥蕭詩集

與趙吉人輯里人

詩有作

浩歌

春愁曲

飲田家

邨行

邨谿

歸舟

東澗夜舟

田家三首

奉懷盧止泉舅氏

臥永濟寺 怨歌 偶書 寒日 書寓齋壁二

首 哀廉吏 贈闕童子 此日足可惜 和陶公

田舍始春懷古二首 和陶公時運四首與紀燕亭

和陶形贈影 和陶影答形 和陶神釋 贈丁

儉卿 寄朗陵兄 夢中間笛詩 郭景濂澗東寺

院齋居 寫孝經詩 行路難六首 自題斜月讀

書圖 暮雨 臺地點戲 車鼓鼓 昏黑黃 巫山

卷之二 八首 懷彭越出一首 陣槍醉 鯨魚二首

宴花樓晚望 春日齋中小疾 春游曲 楊花曲

香一齋閉門四首 夢中作二首 雜感二首 獨坐

望雨
澗舟
題景遠畫
西邨收稻二首
雪後

游兜率院用東坡和僧守詮韻
感興
曲同景遠作

二首
東谿
閒園
偶感一首
與劉生湘漢
與

景遠
暮春
牡丹
讌集
西邨
北寺
南池

刈藤
題畫
鵲巢
八作所
二章
題畫二首
題

畫
獨游東谿
嘯歌四首
邨行二首
白雲三

章
寄景遠
春游感興
寄邱勤子二首
雨窗偶

書
對月懷朗陵兄二首
選唐人萬首絕句題卷

端二首
攝山病臥題僧卓羣山房
金陵雨夜

題畫
仲夏書感
題梁馥菴蒹葭水圖
將赴

金陵荻莊別勤子 雨中游雞鳴寺隱僊菴三首

送從子開麗三首 人日遣興 病餘野步 題畫

清明日昭卹院祭楊仲甯尙書墓五首 夜坐

贈徐漢 楊露滋卹勤子招游湖心寺 湖心寺

獨酌 校盧蓉湖舅氏詩集 西菴獨坐 過陸生

懷生墓 懷里人作八首 省妹作二首 新河舟

中四首 暮舟止樓霞寺 與卓羣 再與卓羣 三

聖菴述感 白門柳 出金陵城 召伯埭偶題 二

首 露筋祠夜泊 曉過高郵 蘆花曲 舟中

糧艘行 澗東兜率院老槐歌 落葉 夢游廬山

二首 答盛子履學博二首 大令 香 錄 錄

卷之三 回 齋 數 山 海 二 首 湖 谷 二 首 試 蓮 子 齋

再游南邨坐磐石八章 晚坐興微雨過高郵 金

陵懷古 攝山道中 蔣王廟 徐中山王墓 由

燕子磯至棲霞寺塗中作 棲霞寺 舟曉 湖東

悲山舟過興化 沙家莊夜泊 獨游南邨 放生

菴香荻莊看桃花過曲江樓故址 移舟過勤子齋

茅屋初成述懷二首 舟晚 南邨卽目 哭張

籬東先生 秋日入城 寄郝鏡渠 夜坐詩和東

坡東與子履二首 雞鳴歌 春眺 荻莊小憩

澗東三老詠 讀壯悔堂集 偶述 與勤子汎舟

至愛蓮亭 殊日感事二首 南邨省舅二首 送

蓉湖舅氏之河北 南邨 車橋八詠 元夕感事

書蘇公和陶詩後 題百驥騰驤長卷 題熊北

谿山水冊 寄朱丈亦僑二首 題畫 題畫冊七

首 齋中偶書二首 朱烈婦詩 清和酒詩 題

畫送邵立三游射陂 題吳搢堂先生集後 邨北

晚步 曉坐 過昭卹院 偶興二首 仿遺山論

詩絕句論遺山詩二首 邨行二首 招勤子 歲

杪與勤子別塗中卻寄 贈譚大令雨香 送陶際

華入都 與鏡渠 趙貞女歌 夜登聊樂邱書威

題儉卿袖海集三首 闕題二首 齊書

卷之四 一首 齊書 齊書 齊書 齊書

新河舟中 中山王勝棊樓歌 靜海寺歌 永濟

寺懸崖 梅花嶺弔史閣部 高廟阻風 丹徒弔

宋武帝 江陰懷古 東林書院 倪雲林祠 大鎮

江至江甯山行雜述十二首 燕子磯曉渡 鑿江

舟中題子履江行詩卷 沂州道中三首 半城至

青駝寺二首 泰安道中 望嶽 岱廟 濟南道

中 黃邨 奉題鍾仰山先生浮青山館圖 盧溝

橋 趙北口 雨行遣興 滹沱懷古 項王墓

兗州 孟廟 過滕縣 烁日舟往吳門塗中感懷

四首 贈汪到渠 歸舟遣興和儉卿韻 題霜鏡

課讀圖 送際華之任金華 過沂州作 望嶽示

次兒 任邨道中 題須芥菴桐華菴詩集 次韻

題司馬文正公淡衣小像 二首 送仰山先生滇南

治獄 二首 送徐健安之潼關 健安招集卽席再

賦 二首 寄懷魯通甫 二首 病中集陶 夏夜與

芥菴論詩 寓齋觀射東岳兼山須芥菴 寄露滋

二首 寄壽亦僑丈 題周倬雲詩集 題春獵圖

聽芥菴夜誦孟子 奉懷仰山先生 冬夜醉中

與芥菴 哭蓉湖舅氏 奉題仰山先生聽松圖

題承玉菴大令詩冊 冬夜讀書效后山體二首

歲暮酬方雲壑兼寄祝炎洲二首 讀錢仲文題玉

山邨安壁詩愛而和之 除夕和韻三首

卷之五

寄到渠 寄張詠僊 送芥菴之蘭陽 寄和鏡渠

慧裕亭儀部席上賦贈文小湘大令用昌黎山石

韻 贈徐廉峯太史即題其壺園詩冊二首 奉懷

仰山先生蘭陽三首 題湯海焮儀部浮邱閣詩集

醉歌 贈徐鏡谿水部二首 贈張亨甫二首

題亨甫博陵秋眺卷子 答海秋 題孔生繼鏢詩

後 夏日塵定軒中取近人詩集縱觀之戲為絕句

十二首 月下對酒懷芥菴 送姚石甫大令之江

蘇二首 夏晚獨坐奉懷仰山先生二首 月下飲

雙槐軒同孔生作二首 題潘漱泉中翰長風萬里

圖 秋夜就吳丈翰通飲二首 將之蘭陽出朝陽

門作二首 通州二首 薊州道中三首 薊州二

首 赴蘭陽謁仰山先生告別四首 九日登黑窯

廠 十三夜與沈小庾孔生繼鏢置酒聯句題淮安

郎舍山畱別宗貽宗佑兄弟首奉別黃樹齋先生二

首首廉峰席上畱別亨甫詩出彰儀門作琉璃河

中涿州弔漢昭烈齋白溝河大風過雄縣夜過

趙北口河間懷劉文房河間夜發二首景州

弔周亞夫恩縣道中三首塗次贈孔生荏平

懷馬賓王荏平夜發九月晦日塗中即日疊前

卷韻六是日東阿大橋待渡再疊前韻過三歸臺

東阿弔曹子建汶上待渡三疊夜發塗次贈

王壽梅兗州聽雨四疊夜發韻鄒縣道中雨雪

賦詩述懷二首野宿雨夜與孔生聯句六十四

韻 官橋夜坐 過二疏故里 微山湖晚眺 小

順河題壁 過圯上作 次阜河飲孔生齋中感賦

東渡河作 袁浦別孔生 三疊齊詩之 登大

卷之六 日東四大蘇詩 再疊前贈 歐三補臺

奉題仰山先生京江曉渡圖 日題邊頤公畫冊後二

首 題亨甫石畫畱人圖 京邸置酒餞丁儉卿方

雲壑盧鐵珊作歌 獨坐和亨甫月夜見訪次日雨

中口號二首 樹齋先生廉峰太史招集江亭消夏

二首 題亨甫翠微山寓詩冊後 奉題仰山先生

游焦山卷子 與吳旭峰二首 京邸喜孔生至即

題其辛卯詩冊後 七月二十四日與亨甫夜話聯

句二十九夜 送仰山先生之科布多參贊大臣

任二首 送高紫峰大令之四川二首 與吳生大

田卽送之歸淮上二首 秋初寄懷勤子三首 鐵

耕樓詩 題廉峰憶壺園圖 題亨甫天台聽瀑圖

卽送之南歸 再題亨甫博陵秋眺卷子 題畫

題李雲生所藏畫 答黃子幹 題眠琴圖 雜詩

四首 冬日移寓蒼疾述懷二首 除夕題壁五首

初春飲雲生寓齋 雪窗書事 題張淵甫靜觀

齋四圖 春夜望月二首 題葉生名灋風雨懷人

圖 題廉峰看劍圖 送徐士敬歸朝鮮 有麗者

鶯三章再送士敬 送徐竹垞歸朝鮮 題淵甫靜

觀齋詩集 過盧溝橋作 過匡衡故里作 南邨

省妹兼示從子二首 題儉卿萱階課兒圖 裕亭

寄示伊猗君見懷詩賦酬四首 秋晚野步 秋雨

間勤子將歸喜而有寄 贈丁郎壽昌 漫興和

李少白韻 少白雪中即事詩用全仄體以全平體

答之 題子履煙濤雲嶠圖 四川二首 與吳主

卷之七

答孔生三首 偶然作 野意 與通甫二首 晚

坐遲通甫不至 寄廉峰二首 過鏡渠南邨 城

外晚舟 寄芥菴宿遷二首 汶上作 車中讀春

秋感賦 晤郭羽可艾至堂江龍門各贈以詩並述

近狀四首 題馬鶴船老漁圖 題至堂北渡雁關

圖 廉峰招飲 覽夢谿筆談偶作 題汪太傅信

民贈文信國硯圖二首 題葉雲縈給諫孝行錄後

題畫 述意示孔吳二生二首 奉題禮烈親王

克勒馬圖 題廉峰問詩圖二首 孤鸞篇三章

送吳生南歸 畱別宗貽宗佑 別小庾二首 別

廉峰 別繆星潭 飲羽可齋話別二首 與姚梅

伯 五月十五日羽可小庾龍門星潭小集寓廬卽

席賦二十八字爲別 題吳梅梁侍郎世德清芬硯

圖 山亭坐雨與小庾聯句 與猗君 答羽可

道院坐雨 觀羽可畫竹 柬星潭 寄通甫 雜

詩三首 道院書興柬小庾星潭二首 送陳薌伯

還杭州卽之官甘肅 送陳蘊山還江甯卽之官山

右 題張自新荷灣清夏圖二首 與黃香鐵論詩

卽以畱別二首 梅伯聞余將歸敘懷悽咽作歌解

之 題廬陵王氏兩世孝行錄 擬古四首 奉別

樹齋先生卽次贈行元韻 畱別小庾四十韻

卷之八

閏六月與星潭出都至天津舟中作 七夕泊楊柳

青二首 今我行 釣魚灘舟次 滄州述感 寓

感五十首 挂劍臺歌 南旺湖采蓮歌二首 登

太白樓放歌 太白樓有萬歷閒家印川司空詩碣

書感次韻 濟甯城上眺工部南池作 雨夜聞笛

二首 雨行看山 四女寺 夾馬營 巢父墓

秋日初歸里門題書齋壁用杜到邨詩韻 哭黃蔚

雯 郡城晤通甫臨別作詩三首 赴都述懷二首

與鏡渠話別聯句二首 雨後北行塗次柬徐海

峰聿竹坪二首 題葉生江亭看山圖 江亭展禊

詩二首 元通觀步月追悼星潭泫然成句 為王

慈雨吏部題龔翠巖金陵六桂圖 為李芝齡少宰

題龔翠巖大德馴象圖 廉峰為刊蒼一齋詩話賦

此誌謝兼以畱別二首 與通甫 奉別樹齋先生

二首 出京口號 黃邨晚步 傷別 與魯二通

甫吳生大田南歸塗次戲為三君詠 苦水堡二首

旅店和壁上詩 荏平述感 放歌行 東平旅

亭三首 兗州道中 界河驛題壁 桃花橋 官

湖二首 別通甫四首 初歸宿露滋宅 哭少白

木果軒獨坐三首

卷之九

仲秋之秣陵省止泉舅氏登舟述感二首 八月十

三夜寶應對月 十四夜高郵對月 十五夜揚州

對月 金山舟次感興 新河舟中二首 謁方正

學祠遂至壽池山房二首 奉別止泉舅氏 江舟

贈別盧斌夫 寄陸藝林太常 京江舟次雜書三

首 揚州訪毛子喬 灣頭夜泊 過湖 野雁

野航 寄鏡渠二首 寄小庾三首 寄葉生 題

子履山水冊卽送之歸鎮洋四首 子幹南歸過淮

詩以誌別 寄羽可 寄到渠 寄孔生五首 除

夕題壁二首 春日適阜甯觀海書院舟次述懷二

首 將之真州維舟城西游道觀作二首 泊寶應

孔生送予二十里外口占爲別 三汊河舟次偶書

飲真州十笏菴柬到渠竝示吳生二首 題張玉

農胥江送別圖 題陳生克家詩卷 三月晦日坐

十笏菴偶觀陶集欣慨交心詮次爲詩索到渠和

寄亨甫南昌 校王二波都尉詩 與劉桐江汎舟

平山卽送游松江二首 高郵舟次寄懷通甫四首

五月五日同人集王靜山宅作歌紀事 吳生三

十初度賦詩贈之時同赴邗上二首 袁浦送孔生

入都兼訊竹坪駕部 高郵逢雲生 贈子喬 觀

毛生甫近詩用柳州飲酒韻贈之 都轉衙齋小亭

看雨二首效聿體一用其對雨寄韓庫部協韻一用

其對雨寄李主簿高秀才韻 登法淨寺平遠樓還

飲湖舫作二首 夏夜寄懷竹坪用聿蘇州夏夜憶

盧嵩韻 寄猗君 寄廉峰 與姚石甫毛生甫金

山放舟宿焦山三夕作三首 海門菴二首 別生

甫 郡西別吳生 題亦僑丈遺畫 冬日江行

真州示張生匯陳生克家用江行韻 寄生甫 送

石甫之臺澎 晚步同張陳二生 歸舟述興示吳

生二首 郡西與吳生別 歸自真州復之阜甯舟

次作 寄黃質菴通守

卷之十

赴都入南西門作即示孔吳二生 答海峽 題羽

可畫作 再題羽可竹用前韻 酒閒憶通甫與孔

生聯句用前韻 樹齋先生招飲即席賦呈二首

花朝同人集孔生齋分韻得拔字 答亨甫 再答

亨甫 題林岵瞻樞部所臧赤壁圖次吳文定韻二

首 題蕭晨柳陰兒弈圖 題文嘉摹雲林山水

題林

天素

叢蘆宿雁圖

題董文恪園居野趣圖

與

梅伯夜坐聯句

贈孔生用通甫韻

奉題孔恭愨

公畫蘭三首

題慶伯蒼比部詩卷二首

答葉生

二首

酒間示孔生二首仍用通甫韻

夜與亨甫

通甫孔生聯句

次夜復與亨甫通甫孔生聯句

曉起與亨甫聯句二首

都門望西山

為雲生題

朝鮮徐士敬兄弟書尺後

題龍門息心觀化圖

寄石甫

晚訪亨甫不值留詩一章用前韻

將出

禮闈作

述興與儉卿二首

久不見廉峰書此代

東題鄭稼軒大令振衣濯足圖

贈別斌焘士武

部二首 飲龍樹寺遂過龍泉寺 飲亨甫寓廬醉

中作 題陳煠穀西谿夢隱冊子 題燕山話雨圖

與徐生大綸二首 別梅伯二首 別竹坪二首

竹坪和詩來情旨斐然復作四首 海煠招同亨

甫梅伯通甫孔吳二生飲尺五山莊畱詩與海煠別

六首 燕南旅次用儉卿壁上韻 荏平夜送亨甫

二首 再送亨甫三首 東阿憶亨甫當至東昌

東平旅亭 宿遷道中述懷和通甫壁上韻卽以贈

別四首 郡東歸舟作四首 晤靜山 觀海書院

晚坐示張生文瀚 題王惜菴越思圖二首 寶應

卷之十一 劉烈女詩 雁冢圖詩 哭靜山五首 木果軒題

壁 答孔生二首 化寓 觀海書院獨坐 因墓頭

艸人縱筆 王中 王中 王中 王中 王中 王中 王中 王中 王中 王中

卷之十二 幽惕賦 礪志賦 驅夢賦 南窗賦

卷之十三 天論 心論 才論 鬼神論 僊論 佛論 夢

論 聖賢英雄論 聖賢英雄論 聖賢英雄論 聖賢英雄論 聖賢英雄

論 三 四 王陽貢禹論 夏侯泰初論 聖賢英雄

卷之十三 天論 心論 才論 鬼神論 僊論 佛論 夢

論 三 四 王陽貢禹論 夏侯泰初論 聖賢英雄

卷之十三 天論 心論 才論 鬼神論 僊論 佛論 夢

卷之十一 卷之首 三

論明太祖一 論明太祖二 論明太祖三 論明

太祖四 論劉誠意 論陳遇劉基進言 論南氏

通鑑綱目前編 三皇五帝 吳少昊 放勳重華文

命湯 重黎 祝融 元冥 論道學 論學示兒

子

卷之十四

論王仲衡九夏說 論王仲衡人鬼說一 論王仲

衡人鬼說二 論王仲衡人鬼說三 論王仲衡人

鬼說四 駁元會運世 駁佛言前後身 因緣

卷之十五

卷之十六
老彭辨
金賊臣崔立碑辨
劉子辨

卷之十六

格物說

戒慎恐懼卽慎獨說

中者天下之大本

說
郊社說

于裕及高祖說

周公居東二年東

征三年解

卷之十七

讀大禹謨

讀孟子中書韓子對禹問後

書歐陽

公晝炆論後

續推命對貞女對太書鄆陵蘇母

節孝事略後

興挑澗河議

釋言一
釋言二

記言一

記言二

答問

駁議

齋中雜物銘

五賢贊 醜石贊

卷之十八

家集副誦序 九經入表序 良作詩本經序 陸丞

相集序 任東澗先生集序 邱氏王氏雜箸合訂

卷之十九 序 山陽詩徵序 寓庸室遺艸序 周氏族譜序

卷之二十 僊屏書屋詩序 誦芬堂詩序 姚梅伯詩序

江龍門詩序 伊猗君詩序 晚醒齋隨筆序

卷之二十一

贈張幼塘序 送郭景遠序 送蘇生序 送邱勤

子序 劉宣林八十壽序 魯特山七十壽序

卷之二十文
淮輦軒宸樓
文選星
蘇宸樓
去
與
生
京
臨

木果軒記
奉養一齋記
中
疆恕齋記
兵車橋文昌宮

記
墓志
論
對奉
如大夫
與
州
同
賦
丁
昏
墓

卷之二十一

谷之
與耶勤子書
款
荅楊露滋書
荅于儉卿書
與郭

景濂書
荅阮次玉書
與陸郎懷生書
與黃蔚

震書
與邵羽吉書
與王生書
與鮑生掄彥書

卷之二十三

與湯海焮書
與張亨甫書
再與張亨甫書
與

徐廉峰書
與孔生繼鏢書
荅魯通甫書
與葉

生名灋書 荅魯通甫書 與王靜山書 與吳生

大田書 與張亨甫書 與魯通甫書 與

卷之二十三

劉孝子傳 震峰老人傳 拜都參贊公傳 阮君

家傳 陶君家傳 王邛君家傳 黃君家傳 劉節

母傳 錢節婦傳 夏烈婦傳 書宿州客

卷之二十四

王君墓志銘 誥授奉政大夫廣州府同知丁君墓

表 果誥封奉直大夫晉中憲大夫吳君墓表 文弔柳

卷之二十五 下惠文 邛祥仲哀辭 繆星潭哀辭 馬生哀辭

楊露滋誄

祭陸生文

祭舅氏盧春池先生文

祭邛勤子文

祭黃蔚雯文

告長女文

卷之二十五

念石子

卷之二十六

喪禮正俗

卷之二十三

聖學子傳 飛祥老人傳 洋都參贊

雙瓢五翁 君家傳 再君家傳 黃君家傳

卷之二十六 錢和婦傳 夏烈婦傳 書宿州客

卷之六 志

卷之二十五 志 話授奉政大夫廣州府同知丁君

祭四庫平文 大梁黃德燮文 夫書身文

祭靈慈廟 祭烈主文 祭真刃魁春縣伏

養一齋集卷之一

八人貴之言昔人貴

癸亥年

讀史

山陽潘德輿彥輔

李斯諫逐客游士皆利秦陳寶伯西時頗賴戎晉臣轉眼
斯得志媼嬰據要津刮語燒書計殘酷何無親昔若逐此
客秦祚或未湮既得蠶食智乃欲愚斯民嗚呼范張輩皆
是亾秦人孤憤吃公子所幸才不伸

項王叱樓煩有矢不敢發一遇曠日噲亦覺動毛髮切彘
發雄論欲應舌本蹶魚肉寘砧俎奇禍脫倉卒參乘盾固

奇項伯劍尤突丁公獨被誅此事乖賞罰

子房未遇時直氣奪秦魄智勇殆天挺安用師黃石龍門
蒐碎事愛奇苦成癖帝佐書大畧陰符果何益莫道赤松
游竟爲長生籍

洛陽有少年褻褻在禮樂抗論翊炎漢法物實該博咄哉
眉山老譏生太落拓未能結大臣主歡何由託枉己以伸
道此論乃大錯他年服鳥賦奇氣付寥廓大息此生去三
代孰斟酌坐使通與褻蛙頭參制作

文人貴立言哲人貴保身文史近卜祝胡乃罹酸辛蠶室
一朝下解脫須交親名山百萬言誰直縲綬臣君看三閭

傅冤憤如自伸柰何蔡中郎園土冤沈淪作史懼刺譏王
允非通人

兩漢多奇士尤奇郅君章上書賊莽庭敢陳赤漢祥識緯
未足據已破賊膽狂手斬友之讐精烈貫蜚霜一朝投竿
出長謝由與光天生此儁士豈許巖穴藏請看上東門獵
騎正徬徨

丈夫貴立志譬如金躍冶卓哉皮袴客不騎款段馬萬里
來誠書當時共傳寫功成翻受讒遺骨委荒野南來薏苡
車犀珠詎盈把如何梁伯孫獨使拜牀下
漢初重游俠朱季稱豪徒漢末有黨錮李杜駢首誅游俠

未聞道肝膽猶豪麗東京之黨人名教藉以扶哀哉翁伯
輩禍止及其軀黨禍一朝起萬邑成荒墟疾惡豈不貴已
甚乃剝膚善亾國亦亾誰竟尸其辜林宗近高蹈我獨欽
申屠

射湖晚泊

獨立數雲鴻蕭蕭入蘆葦孤艇破煙歸斜陽在沙尾
岸遠月低檣沙明星入網半夜漁人歸前谿聞暗槳

朝飲酒

朝飲酒勁雪大如手暮飲酒颯風門外吼狐裘少年擁紅
鑪甘肴美醞陳中廚此輩安享胡爲乎噫吁噉哀哉宿州

城門朝不開城外雪深沒馬足賊兵千百來喧虺賊來孤
城裂血濺三尺雪賊去民半死白骨壅淮水今年雪大黎
民飢且寒河北粟米尤艱難官兵破賊議撫卹嗚呼何人
安坐叨盤餐下歎中不辨下黃白調下水營人宗

雷意雜詩

養心如養馬首貴去其害力欲羈勒之蹠跌患已大庫中
萬石油火發不由外鬱攸勢已煽撲滅彌未艾但使出於
機何必塞其兌燄燄將自息碧水定寒瀨更思驂劣馬遠
與鴻濛會

天風吹海濤鯨魚跋浪游巨額配山岳吹沫成洪流此身

寄大壑猶懷豫且憂如何軒蟹輩坐井渺九州翻波具奇
氣七箸一朝投器小患所招於世夫何尤蚌守石內藏美
訓懷齊耶

甲子年

湖上暮雨

霞意不成雲氣涌渴虹下飲湖水動東湖作雨西湖晴蒲
帆葉葉西南行煙中不辨老漁語白鷗拍拍翻水聾人家
破屋依斷岸今夜只愁湖水漫

臺城偶題

八十三年中自得還自失不乞梵王露豈索臺城蜜

車遙遙

車遙遙兮千萬山間君隨雁出遼關雁落長天見君笑言
夢裏欲隨君去不識黃沙路幾千黃沙飛朔風起雁歸來
人萬里

君馬黃

君馬黃我馬白街頭日日牽馬出顏色雖異心則一君向
朔漠我隴西兩馬臨風向空悲聞君騎馬見天子黃金絡
頭青絲尾嗚呼我馬伏櫪死

巫山高

巫山高楚水寒我欲求見君遙遙直在浮雲端楚山可摧

楚水竭浮雲終古難變滅猿淚泔泔鵲叫血浮雲黓黓暮
飛雪

戰城南

戰城南城南黃塵高沒天少年十五來此閒白首無人還
漢關風吹暮笳昨夜還家天山八月雪隨夢過龍沙兜鍪
千騎照秋月奪得燕支千騎沒將軍月下射虎回歷落馬
蹏踏人骨

有所思

有所思乃在咫尺閒與君日相對邈如越河山山有車河
有楫朝朝暮暮傷眉睫眼見君心不見妾爲君朝作羹暮

縫裳縫裳願識裳短長作美妾願識心冷煖請君手此青玉
盃

代相逢行

相逢不相識門前車馬何絡繹借問道旁人鬱鬱誰家宅
少年何方來此宅亦不知大兒中郎將小兒大長秋白馬
千騎來粲爛居上頭少年謝丈人前日來皇都亦有府君
貴許我門前趨依稀卽此宅門街夾廣衢西堂獻趙舞東
閣吹齊竽歌舞聲中白日徂華屋猶是主人殊嗟哉道旁
之人誰其金石軀

古離別

圓月出高樓艇子下西洲登樓望圓月送客上江舟江舟
發南浦送客去吳楚水宿過三秋長江幾風雨風雨未還
家樓上問寒鴉寒鴉報天曙江水繞樓去

乙丑年

螢

雨後流清影鏗前失素輝無情是羅扇莫漫傷人飛

蟬

鬢眉當風側綉偏著露新知君清潔甚滿座卻何人

憫旱

八月雨納稼苦九月旱種麥緩東邨老農急種麥曳杖看

田田龜坼三月不雨米易珠四月不雨田似石夏愁洪水
秋苦乾卒歲何以逃飢寒老龍入蟄潭水涸龍亦苦此日
薰灼我將駕龍鞭海若

雜詩

五言定體效則光十不照于遠

世無陶匏質安有彝學文以手掬水飲浩浩斟崑崙一瓢
本多事何況於與尊斯文固凋敝濫觴適已渾湯征周大
誥擬者如蜂喧二十有五篇鼠腊原非真宜乎今作者割
裂成敝褫蟬紅與蠹綠自誇程先民
漢代儒斷獄焉有周內刑唐宋重式令守律迂簡青經術
與吏治判別等渭涇曲學習殘刻荼毒流郊坰否或鄙刀

筆臥治不出屏兩塗執所見夢夢誰能醒

寰海紛利塗物物農桑出一夫之所耕不贍人六七一女
日所縑縑素不盈匹夫耕而婦蠶一里無十室卽此一室
中作苦半勞逸一人養百人上治無此術且平人亦資
儒生日展卷如賈初入海珊瑚及璿瑰射眼紛異采苦無
兼取術十手爲捃采琅環徧欲窺曜靈急難待人言百城
樂愈起十年悔安得放眼光上下照千載

海若恥壘空河伯乃自喜文人好相輕必非通達士蔚宗
目睫論薄俗久可鄙君看劉季緒雄辨紛紛起家有千里
足猶自逞絕跂豈伊山中蛇恣似遼東豕

客言遼海上奇鳥大蔽天行者見一足阿房宮柱圓仰視
不日月怪霧幪八埏晴定細可辨腹毛垂鬖鬖此鳥翻一
徙驚霆訇山顛長風萬萬里安知所騰旋回看齋室樹凍
雀爭枝遷下

登郡城樓

孤客登臨迴寒煙俯萬家人無徐泗悍俗得廣陵華燕馬
迎芳草吳航送暮鴉津梁日供給本計在桑麻
千里迢迢望樓衙夕照昏黃淮爭此土鹽漕控中原驛走
輿臺急城臨檠戟尊殘冬瀕海縣方待拊循恩

丙寅年

贈邛丈古塘

挾策心何壯，單車控紫驪。
崎嶇憑吏治，案牘壓詩愁。
詞賦橫汾水，山河古冀州。
朝朝南望迥，淮浦幾交游。

七年重到此，感舊意如何。
良友千山夢，孤兒一曲歌。
學慚宗武嗣，家少令狐過。
猶有門庭在，莓苔掩薜蘿。

丁卯年

放歌行

銅鈿挂樹金盆上，手握玉龍發奇想。
夢中驂虬拂天閭，瑤光不動玉雲朗。
醒來有酒醉不得，梅花冷死蘂幽幌。
君不見河東梓澤羅長筵，繁花落軫香凝弦。
珊瑚粉碎荀錦爛。

金聲玉彩飄爲煙悲歌叱咤二三子掌上靈蛇胡益爾蔬
腸槿折天不聞一壺且可當漱齒天雞一聲紅霞高又見
金丸跳海水取莫恐割肝膽

戊辰年蕭夫子詩集

半世醉歌

前生煉藥層城顛眞酒大會蓬萊僊崑崙玉瑋偶墮地謫
我塵世居百年今朝兀兀讀書子萬劫虛空歸海市習氣
未除心復豪脫幘大呼行樂耳君不見海水一涸蓬壺失
銀臺何處排雲出作僊空作三千年不如大醉一千日

香外夾江竹園

卷之一

看松不厭疏看竹不厭密十里蒙清陰五里拾芳實披匡
潮倒迴覆岫月遲出吾情固浩蕩茲竹尤傲逸欲駐衝濤
帆成此依巖室萬龍吟碧霄孤懷秋抱膝

江口聞笛

昨夜玉樓月今宵江岸風美人千里思清笛數聲中涼水
半無色微霜初暖空曲終沙雁起萬葉下冥濛

冬夜讀先子笥蕭詩集

一編到手渾如夢忍憶挑燈握管時墨氣怒吞江上浪窗
風寒入卷中詩卽今肩鏑藏如昔終古瓶罍愧莫辭更讀

匪莪匪蔚句

德輿生時先子有詩志之末云匪蔚差彊意匪莪慚薪樗

青衫徹夜淚痕

滋

與趙吉人輯里人詩有作

梁苑才華雪裏春
瓣香千載挹芳塵
如何杞宋無徵歎
翻在元明以後人
河嶽英靈休撫拾
襄陽耆舊懼沈淪
極知香聚談非易
畧付艱難後死身

浩歌

西山洩雲遮赤日
坐使蘭堂作暝色
手摩鱗鋏暗無聲
仰天吸酒喫八極
山童埽雪堆門陰
無多玉色清我心
碧海幾日可清淺
眼前黃河深復深

己巳年

春愁曲

天畔高樓臨市起百尺闌干君莫倚滿城芳草似江南行人只隔長江水

飲田家

濁酒從田父荒邨足物華耕犁侵路草樵擔拾谿花水淺魚藏穴風高雁起沙醉歸人笑說騎馬帽簷斜

邨行

西風吹客帽涼意入平林古寺長松下前邨落葉深低雲開野色止水定秋心欲問樵夫路微微伐木音

庚午年

邨谿歸舟

林薄雨漸深萬翠入眉際孤舟隨水流遂已泊煙寺行人
爭渡喧我自閒鼓柁柴門曬荷衣吟懷豁新霽

東澗夜舟

月上橋南酒市樓風吹橋下木蘭舟五更客夢隨檣轉一
夜灘聲到枕流不願文章傳狗監也無煙水著羊裘谿東
二頃田難買白石蒼苔鶴亦愁

田家

解組慕園綺結廬避塵喧我本異通顯安用探林泉稻田
種幾畝衣食麤庇身中田數閒屋臨流日開門鄰家谿南

北樹合成一邨每當谿風起輕舟尋故人片帆若就我
酒猶未渾

閉門三日雨空庭含餘清日出雨初歇便聞時鳥聲應知
東皋上萬碧蒸林垌聊取勸農詩歌與兒童聽老農亦汎
覽一卷娛性靈不耕愛五車鄙哉身後名

世人嬰百慮田家無一憂不知逐物態所業與天謀豈不
勤四體報我以新秋日入坐林閒恬酌還相酬好風自南
來谿水向東流毋慮子孫拙力穡夫何尤

奉懷盧止泉舅氏

暮雲吹不盡江下海陵西我隔射湖望天隨落照低煙波

三載住風雨一琴攜僻邑誰相識閉門山鳥嘯

臥永濟寺

燕子磯頭候風信
竭來古寺倚雲邊
江聲怒挾隔嶺雨
松色陰如欲暮天
彈指白門六回櫂
無心初地片時眠
夢中可得金繩路
插腳塵塗已十年

怨歌

長風激海吹浮漚
東來海客談瀛洲
瓊臺迴絕不能到
拍天海水飄虛舟
隔舟遙望恆春樹
那是虛無夢中路
紫衣香吏招不來
淚痕慘落金盤露
何人錦袍騎赤鯨
六丁爲助風雷聲
我取素書問丹訣
寶鼎冷落如破鐺
枉談靈寶

好壞怪入市消搖一壺挂當時身跳入壺中祇今壺藥和
身賣淒涼賣出杖頭錢願溷紅塵不學僊滄海神山在何
處明日持竿歸釣船

偶書

人生知有涯憂患竟靡止日見萬物非焉識寸心是魚鳥
游天淵問彼何所恃吾最多營求隨分已如此

寒日

寒日催短景且持一卷書勿問作者心吾心當何如掩書
求古人迢遞千載餘豪芒一相遇天地滿蘧廬

書寓齋壁

中庭何所有開戶餘空清白雲去復來爲伴寒雁聲端坐
太古石直至殘月明回顧孤桐枝爾知吾性情
中堂亦無物人心澹鑪煙萬卷未觸手眼盡書中天美醜
一兩杓醉在形骸先時或發夢寤先生故未眠

哀廉吏

出陽令王公昉廉吏也死閱六年匱厝野寺其父

兄匱亦在焉作詩哀之

人生仕宦幸毋得廉吏名古之廉吏死則累孫子今之廉
吏死耳死耳哉及父若兄

解

父兄望子弟作官亦何爲不

見王令尹喪貧不歸三棺橫列野寺中窗風烈烈階草離

離二哀哉王令尹不受一錢上官呵笑吏胥怨蒼天今日

得錢足贍百口但慮忤父兄驚窮簷雞狗三今日令尹明

日羈魂三千里路山盤盤還望太原愁雲遮斷不及鄉里

窮民東風寒食妻子播閒麥飯一盃四我欲涉淮入河逾

汾送汝歸去男兒無錢刀百事那可作五赫赫墨吏迺得

上官歡囊橐充物食客梁肉妻妾綺紈死時素車白旛送

者雜遝歸故山六王令尹生不愛阿堵死亦無紙錢一陌

莫棺下當時富民歡喜令尹呼父母今日官死骸骨流離

無主令當時令尹侵牟索錢阿誰搖手閉目慳嗇勿與七

不或廉吏不能葬父兄孤魂有知搥胸頓足吞聲堂堂一

大郡有一廉吏不克葬赫赫墨吏仰天大笑幸不得廉吏

名八解

贈關童子

...

吾見千童子不如此家兒兒今年七歲神宇何恢恢常童

覓棗栗跳盪依耶嘸此童揖上客琅琅杼文詞常童讐視

書入學輒畏咎此童析疑義光怪挾怒猊童子讀何書魯

論卷初開連縣二十篇脫口誦不遺未誦爾亦誦怪事吾

頗疑人言夙世慧明朗懸珠璣我聞人此言口吐手頻揮

前身與後身佛氏非化機塞此眾人心儒生力訶詆昏昏

三世果愚婦交嗛咿慎勿守此言自賊軼世材生人精魄

疆乍見能淹該童子亦如此兩目通靈暉由見達未見一
一精豪釐學問萬牛毛何能廢研幾童子能屬文鏗鏘謝
敲推人呼童子來聲律爾所諧試爲時世文四子窮鉤稽
童子應曰諾虛實稱其懷神氣肖榮秀十索不一辭我聞
人此言愴愴心不怡人才得天授高朗侔昭回凡今工文
者束縛同受羈爾未溺時好出語無凡卑如何就銜勒低
首隨鶩駘繩削彌脗合患愈屯心脾慎勿習此態使稟化
作稟古訓何熊熊上窮姒與媯六經在天地萬學由康達
逮衰周秦漢文章尙崛崎此下不必讀以日游其籬童卯
日在東百物騰清輝考校一蹴事急則傷天倪童子閒出

語驚其父兄師人言童子異自許登樞台斷勿局蓬戶呻
嘯老蒿萊一語千萬語富貴無轉移我聞人此言大呼人
刺乖童子獲異稟當識人根基上者立德功銘勒廟鐘彝
次有立言在著述彌天垓科名劇卑賤瑣屑猶摘髭三公
亦何貴乘軒登雲扉轉頭赫赫勢道姓人不知青史百官
表台鼎儕沙泥人無異人質名利纏如絲爾抱昆山玉忍
受蠅點繙童子力學問青紫非爾誰卽使位巖廊學尤關
安危束髮讀聖書俗念當清夷慎勿挾此意處甕爲醢雞
世人好諛言眾響紛蟬蛸我聞此童子愛慕心爲締直言
勸童子使爾厚其才窮鄉少聞見燕雀甘卑棲爾果幼韶

令何不爲傑魁古人亦人耳但雄毋伏雌昔吾童子時逸
氣蟠蛟螭祇今負鹽車喘汗如疲駟學業不閑富枉用摹
優俳小慧大則鈍愚哲無定期鑒已勸童子怪石磨珍圭
童子父若兄慎勿嫌狂癡介甫傷仲永豈曰無天姿童子
信偉器當三復吾詩

辛未年

此日足可惜

此日足可惜藐然愧此身此身在天地促促蟪與蝻豈知
負荷大萬類靈者人陰陽開廬牟品物依陶鈞山川職鍾
毓降神爲大賢絕德不可跂身名忍沈淪日月照我上鬼

神臨吾前吾呼吾父母教養凡幾年生我望何奢愛敵昆
山珍命吾就外傳經訓深鑽研見吾露頭角嵒嶸出精神
渾渾六藝奧開導程先民我亦負何辜蒼昊奪所親遺書
泣血誦未冠罹艱辛怙恃兩熒熒窮鳥噉桓山山高水以
深痛哭摧心肝抱書出門去東西走踈踈呼父父不應呼
母母無間窮鄉負襍被水氣盪朝昏長吟孤兒篇感憤誦
皇墳妙義若古井汲綆苦不勤獨居失師保護與析遺文
父老見吾讀大息示直言鄉里聞吾讀涕下紛沄沄一讀
一失聲壯志徒孤騫拏舟過江水江路何蟠垣蛟龍舞白
浪上欲浮青天自謂挾奇策不顧時命迤其時十七八發

論驚天闐虎氣不沈匣淬厲輝星辰摧堅破鷲陣健將無
 奇勳志盛必蹉跌抑抑龍性馴卞和幾別足裹足還鄉園
 鄉園有蓬戶嘯傲稱癡頑朋輩顧我笑親戚向我嗔我益
 癡入骨讒口如蜂屯飢寒漸迫蹙神智璞不完賴有一卷
 書夙好清且敦因之縱詩酒氣埽千人軍舉觴上下視醉
 鄉風俗淳時為汗漫詞汨汨不可刪侍者側目望寒慄卷
 舌端擲筆還大噱遁入糟醪閒坐此失時日舊訓慚未遵
 春秋堂堂去羲娥跳雙丸富貴值敝蹠義命吾所安但惜
 曜靈速隙駒走不還陽爻揲三九今年二筋力實富堅物
 用在少壯寸陰爭璣璠人逐天象運不得師遷延形貌未

衰朽風力搏鵬鯤豈當順情欲役役爲凡鱗微名若秋草
青熒蔽荒原寒風一朝冽蕭撥誰人憐丈夫有嗜好名行
光簡編試問我師表經史列槃槃索塗不得杖舉足神茫
然試問我益友世故羅萬千好醜雖異徑各各繩吾愆我
欲縱我志內問心神寒古人好暇逸豈不與吾倫日月迫
之起踈踏無時閒穴蟻知迨雨鷓旦求嚮晨微物懼時過
迫若蛇赴淵我敢負材質汨沒隨風湍往見盛年子異采
蟠鸞紋識昏使力頽弱卉棲輕塵百歲等觀井樹立無其
真回思過庭訓提旨常諄諄時植二十年節目當輪囷臨
事決所見尙與兒童鄰無才坐而食何以冠儒冠日日披

古籍雙目飛雲煙清夜發深省腸中轉車輪舊惡若不長
茲言當書紳

和陶公田舍始春懷古二首

一事纏世故百念不能踐憂病懔懔來遂無片時免東皇
將告歸獨居發清緬楊柳幾時綠風已冷然善急尋良友
去適目無近遠高卑入吾懷得境便忘返誰非風浴人林

塘正清淺

大化厚羣類所與頗不貧但恨坐失時俗慮方憂勤索處
吐狂言目無一世入焉知與物游物物酬清新春風吹我
出好鳥都含欣青郊四空闊何者爲要津片雲時東西此

卽吾比鄰歸來掩關臥夢見華胥民

和陶公時運四首與紀燕享

尊盧雖往倏如昨朝今吾與子偶遇春郊俯聽谿流仰觀
碧霄百舊皆新視此良苗
佳哉此游塵襟亦濯入荒之中皆我所矚茅屋稻田子願
易足結願以境終恐弗樂
以我觀妙何雩何沂入心所適持身所歸浮雲落日舉袂
一揮回瞻此境疾不可追
我送子歸豈日子廬子足所止萬宅紛如明日若出請攜
兩壺沈醉竟日焉知子余

和陶形贈影

爾我若合體久暫胡異時謂是爾我殊動靜何應之厭爾
善依附舍彼忽在茲喜爾肖容止出沒不可期我方累憂
患爾不爲我思近我忤時好鬱鬱涕清泫爾徒作我伴行
動無稽疑解貌不解意長揖請遽辭

和陶影答形

責我侑子行子計良大拙笑子先有子卻我何能絕依然
子自運於我孰悲悅光響捷桴鼓原委未易別有物皆我
寄我不操生滅招我敢不來我豈工附熱隨時遞變見妙
不因時竭且究子妍媸毋議我優劣

和陶神釋

實虛都無憑遇物偶然著勿恃有實體衰逝豈如故勿喜
游虛光質滅疇依附本非一家屬亦非兩口語是己責彼
非彼亦不知處寥寥羣化流依倚陰陽住二子辨去畱因
象遂滋數我意還自然不識誰所具日居二子中淡漠無
咎譽若問孰曲直有得必失去萬物悉無物無物迺無懼
成虧有洪鈞奚爲代憂慮

贈丁儉卿

丁生十七氣浩泚權竒天驥脫羈絆渥洼一出馳籥雲俗
眼何曾識豪胥紛紛少年抱一編咿唔竟日力文輒彊命

屬詞神不借文狐蒙戎雜青豸黑白不辨學貴耳紫鳳天
吳漫璀璨就中才質賦清白情思昏如閱故案問塗畧識
岐中岐倏復迷離舍書歎俗師不導交衢舞逼入荆榛作
語竄劇憐含美不成章明珠迺取石來鍛之子汲古轉鹿
盧奧祕潭潭絕畔岸偶施意匠神鬼驚移晷埽盡千兔翰
閉門獨造喻甘苦日不停披慮脫腕我察譽言恐溢美清
辭再閱發驚惋未能空洞函古初豹采爛爛已彪煥聞子
矢志窮羣經鄙懷結轡似冰泮祇恐剽輕任血氣立足未
定轉離叛否則瑣瑣注蟲魚枉是刑精訂漫漶古來文章
有直路俗工繆糾自謾調羣經大義高麗天照耀靈臺日

初旦衆家傳注勿驟觀以我一篋涉混瀚我意成熟參衆
家如一赤絲萬珠貫不然先入塞吾竅得不及全失其半
莊荀屈馬擇尤雅築墉亦欲資版榦此外高閣束數年捧
日目不見燭耀理明氣定精內充百派支流易區判吁嗟
聖道布經籍獨恃幽通協神斷于觀禋祀求君焄高潔齊鬱
鬯首重裸腥爛薦熟後天事精誠那寄衆臙胖入塗不正
異時悔勢必糅錯合冰炭胸中疆界未申畫冰雪聰明亦
凌亂縱使操管摹前民浩朗青天黑雲幔丁生丁生知讀
經至道堅剛有端鑽小家訓詁窮豪苾耿耿元精日消散
名場文字況末技專攻愈非一代冠暗中福命奪人魄黠

者負緣驚珍玩彌天揮灑糠與秕見人學古目屢睥生也
采豪幸天授電光在舌閃爛爛謊言交攻滋子疑仗子慧
劔力掇扞宗經徵聖子所習打雀慎毋費珠彈箏琶得志
旬鈞天空山素琴自操縵我聞前訓轉相語不顧旁人笑
漫漢女牀一鳥飛驚天那待枋榆拙鳩喚祇因姿骨病且
醜引鏡生慚發顛汗入塾受書二十載雞棲名不出里閭
秃筆如豕有何用供作勞薪執炊爨酸鹹歷盡轉爽口到
我詞鋒失勁悍晨起誦經十忘九批捩耗耗迨日旰尙思
攘袖揮塵氛俗骨勤求大丹換矧子英年軼同輩思理勃
窳鮮遺算積成學業崑崙邱部婁羣言只低看天生異材

致實用敢隨眾口妄褒讚一時得失百年事努力壇宇壯
雕奐房駟精英踔萬里休學鄉閭策款段他時仰配古作
者不負奇書讀 東觀

寄朗陵兄

春風吹我庭桃李揚清妍芳華隨地落行客猶未還前年
織女中登舟下新安去年葦花白打槳過長干江淮雖自
通客意阻風煙秋殘春復歸江水自年年可怪飲江水不
上江頭船徒令淮干客夢落江南天

夢中間笛詩

酒罷引枕夢至一榭江山揖座蒲蓉繞庭飲者數

人脫巾而嬉酒渴江清一笛起於水上僕分賦得
詩二首第一首末三句云捲簾人倚隔江山朝朝
說刺扁舟去真在蕭森荻葦閒其二云竹笛蒼涼
有鐵聲填胸斗覺百端生本來使酒人無那況復
臨風調人情老鶴飛飛江四面小樓悄悄月孤明
今宵高會明朝別誰折楊枝送我行寤而識之
半生湖海麤豪氣收入殘詩短夢中簾幙依依數聲笛一
痕涼月尙樓東

郭景濂澗東寺院齋居

君家未晚飯近寺來鐘聲寺門開何處柳影搖波清抱書

命稚子入寺開軒楹昨夜雨色活移花招流鶯寺古蓄秋
氣日日涼風生兒讀几上書齒牙清且鏗阿翁哦新詩遙
和谿鳥鳴樵夫不識路時來叩柴荆余亦訪君去冷月橋
西橫

寫孝經詩

憶我爲兒時家塾在堂隅日昃讀書罷歸爲慈母娛八歲
就外傅魯論初咿唔九歲五經畢文義頗不疏十歲讀禮
經古句忘崎嶇十一背慈訓熒熒失母烏十二出門游奔
走能跨驢是時從大人來往神愉愉大人授孝經命兒自
寫書兒寫書不成滿紙如墨豬左右反覆視心氣慘不舒

低頭清淚落仰頭但嗟吁大人顧謂兒兒心一何愚寫書
非大難兒心姑徐徐心定手不誤爾益仰視予侵晨執筆
寫寫成日裁晡兒迺破涕笑喜躍東西趨取書呼兒來此
書義當攄讀書讀其義此書學根株兒默聽此教跪受當
前除朝夕執書讀愛重同球圖讀罷藏之笥褻見懼點汗
兒今又寫書寫書忽痛呼兒有六歲兒兒已十年孤昔時
一卷書歲時常寶儲今日寫此帙吞聲淚霑裾昔寫今亦
寫今昔迴自殊昔泣今亦泣兩泣不相如昔寫雖醜惡嬉
戲稱鳳雛今寫好似昔誰與正瑕瑜昔泣實恃愛貌鬱神
不痛今泣復何益淚眼空爲枯哀哉一卷書寫罷還踟躕

兒亦呼其兒學不在五車但求孝弟性敬愛理不虛亦不
在榮達名譽播九區但求守吾身戰戰保髮膚兒有弱小
甥神采清且都七歲痛陟岵似續守門闔此書大義在此
詩非煩紆兒復呼其兒試誦與爾姑爾姑聞此詩哀痛猶
茹荼爾內外兄弟敬謹相友于立身與顯親毋若不肖吾
行路難

罷君青天明月之深杯聽我所地歌聲哀一歌蒼鷹下垂
翅再歌駿馬臨風嘶蒼鷹不曾擊駿馬不曾騎懷中一刺
今三年妻孥無糧盼盼待我歸歌殘酒冷四座泣寒風入
門吹人衣門前臂鷹走馬誰家兒

朝朝叩君門暮暮飲君酒十年肝膽一夕露明日登堂還
握手緜衣被君身旁人那知薄與厚銅鏡照君面妻妾焉
明好與醜黃鵠高飛避網羅結交不爲黃金多座有青蠅
人柰何

大宛天馬來向東道逢駑駘蹠躐相追蹤蹶屈汗流不可
及口笑天馬行步何怱怱男兒各有才那能吞聲逐隊走
復來向人五里一哀嘶十里一裘裒

坐我八尺玳瑁牀佩我徑寸火齊珠低頭飲酒不稱意拂
衣歸去蓬蒿居峩峩貴人來填門駐高車卻高車櫬蓬門
此身有劍不受恩昨夜飛鴻下藪澤江頭少年善彈射骨

爲荒蘆肉爲食老鳳聞之長大息

朝買東市馬辭家謁金閨中塗馬鳴思故鄉客子有恨羞
告誰誰無青絲轡誰無金絡頭有馬昂昂騎出門誰當餓
死誰封侯勸翁不如行歸休山中麥田今有秋翁且賣馬
兒牧牛

陌頭黃葉聲槭槭妾家松枝長二尺手折松枝贈與君攜
手出門有寒色聞君新交同心人桃李榮華天上春攀松
望君君萬里西風烈烈傷心神西風吹桃桃葉脫新人不
救人飢渴不見門前松蓋瓦綠陰森森待君馬

自題斜月讀書圖

養一齋集卷之二

山陽潘德輿彥輔

壬申年

宴花樓晚望

我懷空洞無一物
眼明曠境開
風煙飛鳥出
城掠平楚孤
雲帶帆行
遠天南郭人家
晚鐘外西湖高浪斜
陽邊宴花樓
上此時景且當攜榼
酣春筵

春日齋中小疾

病從不飲不談入
春要無風無雨難
斜日愁人孤館坐
落花嘒鳥一時寒

春游曲

東風破雨天微晴斜日桃花相向明倚樹老翁醉垂釣挑
菜小兒歌入城春城日日風兼雨不爲攤書長閉戶簾押
朝垂燕不飛箏弦夜醒鶯無語鶯嘯清曉喚人游今日閒
錢到杖頭好友半逢城外路酒家都占水邊樓水邊城外
剛三里小艇穿城一條水短短新蒲欲露鷗絲絲弱柳宜
穿鯉弱柳新蒲晚漲時落花如雨莫停卮寺僧妙解烹茶
訣游女偷窺題壁詩歸來殘醉兩三客明日城南定城北
不風不雨不來游岸草汀花枉相識

春一齋集
楊花曲

春來端爲垂楊樹垂楊長成春便去感恩不肖聽春歸徧
遣楊花遮去路漫天楊花繞春飛楊花自飛春自歸點點
似垂畱戀淚依依要攬別離衣可憐高下離亭側持比秋
蓬更無力繫馬行人掩面看當樓嬌女垂頭立不見城東
十里亭楊花飛入煙冥冥自古多情終陌路若畱餘恨不
浮萍浮萍尙有情根蒂不傷樓臺傷煙水只有漁翁不解
情一生自在浮萍裏

閉門四首

閉門一室包萬古出門結歡古人外喜怒倉黃失專主可
憐三日不讀書胸中面上皆塵土

卷一 齊集
閉門喜怒亦焚錯拔劍斫几忽不樂眼前無物物自靜氣
如潮頭起忽落北窗之下又跂腳

閉門日日之日長出門日日之日短暮不及眠晨不盥世
有何事仗君斷君何不以君爲伴

閉門庭草荒不除暮雀無聲風捲書明月明月秋最好剝
麥煮蠃歌嗚嗚翁歌新詩兒執壺

癸酉年

夢中作

夢至燕子磯一山家女郎持花供佛因賦二詩詩
不可解然原句未嘗改竄也

江雨江風入霽霞
傷山妝閣野人家
曉來親摘山中雨
來供佛前如意花
金焦咫尺望樓霞
最是空靈燕子家
莫說柔情牽不斷
江頭高浪散成花

雜感

幽蘭長深谷
市人豈媚之
芳懷不擇地
刀斧轉有辭
非人惡
佳好迺適投
其疑寶鏡付
盲者能以蓋
卮憫君吐高
論一觸無己
時既令聞者
怪君亦非真
知南山霧正
濃晦汝瓌奇
姿

天顯賦羣類
物物受充實
從來照萬古
賢愚皆見日
意象

滿身世馬用自口出躍冶不祥金鉛汞流既溢我愛浴沂
人悄悄方鼓瑟

獨坐

薰風漸欲來雜花變叢綠嘯鳥下地行蒼苔有誰觸同人
豈不娛真境在幽獨觸眼無一奇清光滿空屋無叩我所
需寂寞此身足

望雨

曉光闕園鳥細葉鳴芳條幽人坐疑雨開窗但清飈飽食
愧無事爲農愁旱苗昨覩麥疇瘠使我百念凋我飢不足
卹江淮慮飄蕭去年就粟人流亾還未招

澗舟

東城駕舟楫朋好暘吾意遙天帶近邨閒雲妙無際羣滄
怒分谿沙停夕流細落日林泉清步步入丹翠邨醪不足
酤盎然吾已醉

題景蘧畫

江頭雨氣掩樓臺隔岸雲山蒼不開猶有亂帆收未盡和
雲和雨過江來

西邨收稻

古人勞田事真極不恨俗但須力耕刈豐凶自來福浮戶
之代耕兼并納富屋此事吾謂偏井田苦難復西邨數畝

田聊供歲暮蓄敢以催科能簸揚覈斗斛秕莠十三四草
草算收穫三時彼力盡我但一寓目彼苦言有餘我怒言
不足錙銖競田夫恐悖吾所讀一笑步荒邨雲樹悠然綠
浮戶故稱客乃爲東道主深慚肴飯薄尊酒勸相語樸極
無可談轉勝吾儒腐頗聞早種麥暗損連宵雨咨嗟冬春
閒恐有竄逃戶士也貴於農良以施濟普內問所讀書於
人得何補忍恃顏色惡斬人升斗許訟過人不知斯尊當
杜舉

雪後游兜率院用東坡和僧守詒韻

踏雪下橋行鐘定雪中寺閒對古佛談松雪落滿屨日暮

不逢僧谿鳧自來去

甲戌年

感興

籠禽水一勺棧馬豆一斗禽感爲嬌嗔馬謝爲怒走豈無
高曠姿抑抑日低首哀哉蔡中郎驚嘆戀恩厚殺身聖史
議千秋供擊掊隨處受人恩有身何以守

同景蘧作

羣芳奮春陽日夜有新得出門見柳陰招我閒佇立餘情
共春流高下散原隰勞者促塵務田夫多暇色安得耦耕
人泄泄養心力

羣生私其私識趣不互寄自笑我所懷寂寞一野寺寺門
連園田僧語諳農事午飯雞數聲歸人逐牛至邨景入閒
矚陝陋有餘地寄言谿上客四體善安置

東谿

東谿古寺東昔夢屢游盪偶來藉石坐輒草平如掌佳景
不在幽閒極觀所養一靜謝百營風定晴雲朗朋好隨去
住林泉送俯仰野人扶峻厓生路闢新想好鳥四五聲耳
寂尙餘響迺知玩物心虛來實斯往此生他何需游屐但
幾兩

閒園獨自媚有景無是非落花如欲下嗚鳥未肯飛花定
鳥忽往忘言獨閉扉

偶感一首與劉生湘漢

轉出幽巖宜放鶴生柴

獨坐睇萬古紛紛唯二塗潔者日以潔汗者日以汗誰能
介其隙中立兩不拘自謂涉兩界明密與眾殊豈知懷貳
心貌智實大愚妄求未能遂失己空嘆吁文章迺小道今
古不竝驅何況身世閒彊鶩爲鳳雛若慕巾幗美何弗芟
眉鬚慚顏尙斗發立志請不渝志定則千古時俗徒區區
與景蘊

我齋去君門隔水數十步尋君一登橋遠田高於樹綠水

春悠悠折向柳陰去

暮春

萬化續自然吹律何新故十年送春歌羣愁歸一悟蜂高

不離花鳥低都冑絮是物膠春心天公恕不顧奇忍以為

仁陰陽甘怨惡逐境煦煦然么翹紛上誦文章酸小戲今

不其牡丹讌集

燕子幾時來飛絮忽已滿看花至鼠姑春色漸悽斷更防

零落盡亟命壺觴伴愛極慮轉生物濃興宜短歸去茅齋

清蘿月下緩緩閉氣

西邨散育景無景非容外取裕不聽鳥未肯深亦玄

北邨吾常游清淺尙不隔稍勝南邨景林光傷徑直終賞
東邨橋谿回戀來脈樹拙不受畫耐我坐荒石西邨吾自
熟來往恨輕忽偶能虛中來異境頓開壝濃陰過谿交到
寺轉不識平沙數百步市聲化叢碧耕者四五歸談笑送
日入晚煙亦有意出沒變林色林遠作數重游鳥互主客
焉知心賞外茲境近無匹寄詩報東谿所美勿膠執

北寺

北寺面幽陰頗是雲林境閒客時一來鳥聲爲清整夕陽
在前邨過雲作雨景迴谿西復東雲動幾帆影遙遙一老
松對人色嚴冷漁父何藹然春波釣筒靜歡言乘霽歸幽

窗夢煙苒

南池

南池如西邨故從無意得方廣三畝餘遠棄亂草側居人
洩溝渠蓄此供藝植彊加以池名早晚恐涸窄快意貢當
前名實亦可易安能豫憂慮規規量丈尺我望西邨樹雲
水倒相吸命儔呼酒來痛飲此遙碧沙岸淨可坐風喜為
拂拭茲池雖暫歡使人重邨僻良境不擇地歸塗補搜剔

刈藤

種藤十餘年繆曲如蛇龍開花滿牆頭為我招好風何苦
痛斬刈不使緣蒙龍蒙龍良可喜侵陵太無窮一割當其

罪適以全迺功擲鈕坐清陰俯仰恬心胸幽居殊寡績持
斯翊天工

題畫

春夏接續閒山氣似花發畫師亦何心迺使澹入骨應知
穆穆中萬象競榮茁蘊茲貞後元難與豔者說

鵲巢

物理互相資人心何不平東園破鵲巢鸚鵡來經營巢成
鵲不居飄搖霜月明鸚鵡詎多事移居非力爭昨游芳田
中羣鳥喜飛鳴見人無懼色牛行鳥亦行土墖帶新草鳥
正仗牛耕牛不居盛功鳥不感至情飛走與巨細造化原

交并人故貴於物誰其通至誠

作所二章

萬物凋瑣有材鮮託見寒願松見雲願鶴柯榦弗完羽毛
太薄方春悅念又競華萼食滿階除遂爲鳩雀氣茶成性
不可大作

有鳥營巢東枝西土尺寸之細見爲牖戶無用皆用豈弗
辛苦轉懼速成不懼風雨相其旣成萬有來輔猗與鳥心
善於作所

題畫

山腹空洞山爲天惟虛能覆不可顛獨樹倚壁無旁緣野

老冥坐心君堅閒雲出飛飛鳥還浩觀四象無停年

秋木下葉江氣高天空露夕宜松濤瑤琴欲以古心厚直
爲萬古回滔滔此時見者誰山椒一痕月月落江寒送雁
歸萬木蕭蕭遠鐘歇

題畫

一角聚斂羣景色山寺樓樹苔鳥石其餘求之無所得併
作江天萬里碧時有雙帆學鷗白須臾雲氣生斷壁一角
人煙晚來失

獨游東谿

酒闌愛獨游羣動澹以靜疏林帶嘒鴉十日無此境隨意

沿谿來落葉屨聲冷微陽點谿色殘冰漏天影彌知大冬
力斂物使清醒紅鑪喧碧醪到此意誰可不寒白雲心甘
受峭風警下橋不逢人漁燈送耿耿

嘯歌

前馬顧其駒鹽車慎勿辭今日辭鹽車明日犬不如
插鼓集羣工面洛蓋大屋但招邯鄲娼白日理清曲
鵲子上天回陰晴說反覆小雀驚偷聞一陣下水浴
澗松就雨露不如城頭蒿匣劔就毛血不如屠市刀

乙亥年

邨行

箇箇柴門夾菜畦
田家下酒及春泥
新春偏是無多品
菘已零星韭未齊

邨叟前陂一笑逢
閒攜東寺話從容
野僧不解蒲團定
飯罷黃牛便打鐘

白雲三章寄景蘧

悠悠白雲止於林
阿匪林之嗜風其云何
之子之邁威儀
孔嘉天命在獨不樂則那
悠悠白雲祁祁而雨
春風相和澤我九土
之子匪佗伊昔
處者其處其嬉
沒死於野

白雲布兮散以爲聚
兮四嶽來同奚陌路
兮之子闊兮天

光合兮席端何賓在天末兮來同矣則誰令之不覺兮天

春游感興

駕言出東郊萬態已豁達浩歌先王風無和吾自答忽覺
此身古不屑周秦末楊柳受和風會意如可說春與物一
之誰復向我奪戲豫不經心病在不安拙鳶魚無佗能氣
象乃潑潑寄語同游人茲外無解脫

寄邛勤子

黃河直下雲梯關河上幽人日日閒羨殺斜陽鳥飛盡攜
兒去看海西山

不用蕭慘恨轉蓬風雷日與海河通君看一霎蓬萊雨飛

入吾家小院中

雨窗偶書

積雨五日廚尙煙敢云此福不自天閒窗弄筆神清妍新
詩字字浪驚喜可憐不值沽酒錢

對月懷朗陵兄

白雲流欲盡殘雨過無跡早有皎月來入戶尋幽客推枕
急披衣清景不敢擲眾鳥安叢陰一螢出遠碧仰觀霽宇
空俯慰良宵寂浮愁如水逝真愧乃山積安得湛此心浩
浩長天白

羣動寂無語月色愈端好微影散風樹餘明兼露草不領

靜夜深誰識涼秋早所恨賞心孤神思赴遠道迢迢尺書
來纏絲相覆葆以我塵世心席卷還大造惆悵昨非多傾
身償熱惱

選唐人萬首絕句題卷端

古琴不為市人聽別有弦徽寄杳冥試到雲山最高處霜
鴻過盡海天青

不辨離騷與國風短章脫口便乘工崑崙汶阜如天上萬
事江河日夜東

丙子年

攝山病臥題僧卓羣山房

萬古江濤日夜東客心直與海空濛卸帆月色浮柘底解
帶泉聲落枕中峭壁入天猶石氣深山無寺不松風芭鞵
竹杖翻拋盡千里雲嵐夕照同
金陵雨夜
山色依然滿縣城秦淮舊月傍人明打窗木葉還如雨十
五年前枕上聲

已卯年

題畫

峭壁孤崖半接天更無人跡有蒼煙遙知僧在中峯住靜
聽泉聲數十年

仲夏書感

奎牛分野掘徐揚使者高牙聚此鄉
下戶賣牛困穀賤中衢羅雀局錢荒
紗廳晝臥修渠吏塵甑晨空辦課商
聞道恆風需直諫幾人簪筆策民康

題梁馥菴蒹葭秋水圖

秋聲獵獵風吹蒲亂雲卷盡天在湖
鴻雁不到野鷗去天水中閒亭子孤
人生有情寄浩蕩那能束縛作時狀
陌頭十丈車馬塵菰蘆之中猶有人
昨宵雷雨起東海得無少壯雄心在
掀顛長歌古國風霜色蘆花幾千載
蘆花頭白西風催此亭那得無酒杯
日斜獨立太清絕蒲帆高挂吾

將來

將赴金陵荻莊別勤子

別館峙踞日易斜
片帆懸處便天涯
地鄰野水長屯雨
人似秋荷勉著花
文字謀身原太拙
園亭稱意欲爲家
歸來也艤孤舟待
磐石漁竿坐晚霞

雨中游雞鳴寺隱仙菴

欲訪冶城北樓東
買畫橈垂楊漁網露
新水鴨闌潮石路
防經雨名園喜俯橋
細搖雙槳去足力未嫌遙

路迴低雲斷雞鳴
古寺開樓端孤塔近
城表萬山來戰鷓
消雄浪天龍賸講臺
茶瓜畱坐雨塵世未須哀

亂山圍合沓隱者靜無鄰廿載客重到四時花自春桂香

三里路梅影六朝人菴有六朝老梅自笑苦吟癖不來棲此身

送從子開麗

淮上數文獻吾家早著名艱難臨爾我悽惻溯元明霜老

祠槐禿風號石馬鳴飄蕭長至近冬至祠祭廢者三年占聲有誰擊

鴻博誌文苑張岸齋太史作山陽縣志吾家入文苑傳者極多遺詩散似煙前人

空自惜後死得誰肩古鼎能畱篆焦琴尙有弦蒐羅孫子

責揮淚訂殘編

爾無嗟白屋家尙有青箱朽蠹一牀滿光輝萬丈長古人

振門戶風力在文章蓬華然松節安知天雨霜

庚辰年

人日遣興

漫欲登高去泥寒草未香溼雲巢遠樹殘雪鏡虛堂天使
書中老人嫌酒後狂低窗古梅下獨詠引春光

病餘野步

人閒思野趣病減識春光殘雨入煙樹輕風生柳塘偶尋
邨寺晚猶占落花香林暗未言去無鐘報夕陽

題畫

半生熱惱觸紅塵妒殺清閒畫裏身也欲月明吹笛去滿
湖煙露靜無人

清明日昭卹院祭楊仲甯尙書墓

尙書交阯功不磨
洪武之中疑獄多
吾祖表揚有深意
大

書進士開巍科

中丞祖憫尙書之冤建昭卹院事有不得顯言者題為明開科進士而已

楊氏無兒埽墓田
吾家割牲焚楮錢
道旁老叟捋須說
此

事到今三百年

中丞祖寬楊氏子承祀後皆天死因命子孫歲以清明日拜楊公墓

碑橫路側苔草深
那免日炙霪雨淋
我欲移置兩楹下
優

曩不得題禪林

乾隆中院僧忽改為昭卹禪林先子率族人正之

昭卹院前春草青
昭卹院中鐘鼓鳴
白叟黃童看野祭
都

來此地作清明

昔時從游一童子
今來照水須眉蒼
四十身名不稱意
柳

條晚晚愁斜陽

夜坐

百動暫時息窗虛小坐中高荷多得露疏竹自能風人跡
焚香靜文章閉戶工寥寥碧雲外吾意已冥鴻

辛巳年

贈徐潢

徐生短小氣道上雙瞳翦水煙霄朗清才初自窮鄉出英
名已被時人賞得名有道文有神胸中俗物不可存白雲
抱石翠竹健太華插天黃河奔徐生家世簪纓古努力窮
經振門戶男兒名姓自貴重莫配文章庾開府

楊露滋邛勤子招游湖心寺

佳游訂前夕擁被盼清曙日色到簾鉤鳥聲滿鄰樹閒窗
漱齒畢駕舟吾便去疏疏柳枝風點點蘋花露遙知素心
友停琴候芒屨焉知雲水中吾先狎鷗鷺

湖心寺

水風生客衣扁舟度野色楊柳午猶煙寺角露遙碧入門
殿基高空堂埽塵跡佛座見前邨歸牛送遙笛禪房花氣
暗幽鳥時一入不見郭山人

明太守陳文燭作招
隱亭宴郭山人於此

荒亭付

榛塞老僧謬解事觀空謂有得內典默不誦攻苦事樵汲
實踐非當然百年等一擲長嘯攜客歸開樽醉今夕

獨酌

只有風兼雨空庭日日過
春愁隨草長人跡變苔多
遠水魚無信斜陽雀可羅
一樽形勸影樽盡夜如何

校盧蓉湖舅氏詩集

靳張不可作淮上幾詩人
吾舅抱吟癖高風開俗塵
黃河十年渡濁酒四時春
五字建安骨羈愁句有神

西菴獨坐

遙遙城畔鐘漠漠水邊寺
空庭鳥數聲微雨客初至

過陸生懷生墓

咫尺隔山嶽春歸無夢尋
單門三世禍雙淚十年心
祠樹

野風闊墓門煙柳深遺言不爾負良夜好行吟

生遺言棺可從薄必

葬祖父側

懷里人作

詩敲賈島兼周朴處士掀顙說擅場若向尊前吟好句一

生邨晚豆花涼

陳錫蕃詩近賈周平生佳句如風倚鈞絲彎邨晚豆花涼皆苦吟而得

吾舅蕭疏物外情騎驢卅載鬢絲生一壺鎮日隨身具纔

解詩成元鶴鳴

蓉湖舅氏久客河北有驢背行吟圖酒壺日不去手或挂衣襟或納韉袴有登閣句

云酒醒天風遠詩成元鶴鳴

趙子朱顏歲歲非酒餘狂態近來稀碧蘆紅蓼真州路夢

裏和君一櫂歸

吉人前寄余句云但驚白袷頻頻敝漸覺朱顏歲歲非

荒邨近水風來闊海國無山日落遲惆悵商生今已矣不

堪重渡射陂時

商相巫舊游射陂句荒邨近水云云雅為前輩所賞

蘧蘧風味澹於秋學畫論詩漸白頭收拾一春愁萬斛眼

前大化入扁舟

景蘧別字蘧蘧連喪妻子有句云眼前無一物大化入扁舟

黃滔弱冠便翩翩苜蓿堆盤亦可憐莫唱旗亭金縷曲海

陵春盡水如天

黃蔚雯為泰興廣文題余詞草後金縷曲最工

天涯芳草雁聲過何事蘇端有怨歌自掩柴扉讀周易飯

牛歸去月明多

蘇生浩倦游詞云天涯芳草又將殘卻笑南來飛雁平日讀書飯牛頗忘世味

浣雲齋裏醉花香詞客谿東數陸郎今日墓門誰唱和黃

昏風雨戰垂楊

陸生年二十餘天物有浣雲齋詩三卷醉花館詞一卷

省妹作

老屋秋風急孤鐙夜雨深淒涼真到此愁病更橫侵
畫荻千秋事驚弓十載心伶俜恃同氣小別亦霑襟

一慟三從絕蒼天太不情門衰猶有子

以從子
炯嗣

命薄且依

兄立後賢於死施恩過所生寢門慈孝意純佑有神明

新河舟中

不渡沙幔洲風浪應差可可憐石浪菴半山松憶我
澣衣江水清灌田江水濁人心江不知潮生復潮落
水勢直成曲山勢西走東水爲羅帶子山爲玉屏風
暮驛不可到孤舟那何泊稍聽山頭樵風吹笑聲落

舟止棲霞寺

江從攝山背折入攝山前直對山頭寺來停江口船潮磨
僧院磬雲護市門煙那許怱怱去登臨有夙緣

與卓羣

去作二年別來爲五度游無成空老大相見各清愁松影
當時月泉聲萬古秋禪心應更遠日夜大江流

再與卓羣

蒼松翠柏還如此

卓公語

長願高僧作主人入寺雲依心地

靜下山月挂指頭新僧寮舊榻蟬吟夢官道行滕繭縛身
又聽秋鐘過竹院巖花休笑往來頻

又編三聖菴述感

城南蕭寺舊曾居廿載風光太不如

辛酉秋入白門侍先子寓三聖菴今年復

寓菴側側孤兒餘疾病勞勞羈客困舟車科名豈足酬先

志懶惰何曾讀父書秋草一坡腸斷久疏鐘斜日纜船初

白門柳

白門楊柳樹依依牽人衣昔我游白門見汝初生時今見

汝藏鴉何忍攀其枝婉婉雙鶯雛嬌轉彌足悲老去怕聞

歌此語不汝欺汝自畱班騅吾自傾離卮

出金陵城

疏雨敲篷人自眠潮痕平岸水平煙恁恁來又恁恁去大

似江南估客船

召伯埭偶題

召伯埭西湖水清
召伯埭南江水渾
江湖分合客長見
江湖來去客銷魂
湖煙湖月大隄平
隄下人家吹笛聲
日暮蓮塘商調起
南塘風雨北塘晴

露筋祠夜泊

星漢蒼涼水氣中
露筋祠畔月如弓
采蓮誰唱西洲曲
行露吾歌南國風
豈有美人湮蔓草
可憐詞客倦孤篷
蕭閒不及老漁子
鐙火二更收釣筒

不又曉過高郵

披衣聞早鶉打槳亂川霞詩似水無岸夢先帆到家秋心
滿煙樹生計入魚鰕三十六陂外誰人賞荻花

蘆花曲

江南蘆花開塞北雁聲起雁聲來不來蘆花滿江水江水
接湖頭蘆花善感秋居人斜月夢行客逆風舟舟來舟又
去長向蘆洲渡蘆葉易藏花蘆根不成樹蘆葉復蘆根蘆
花秋當春素衣官路客白紵畫樓人樓下蘆花白相看淚
痕溼今日憔悴容當初好顏色顏色換當初江頭莫折蘆
南來鴻雁晚恐有一封書

舟中

出門事事如迂叟入市人人呼老翁
今年三十七遣興朝朝覓

詩酒思鄉夜夜夢兒童

糧艘行

糧艘峩峩來上流小船鑿隙不于游
糧艘橫行尾插岸小船偏仄愁復愁
天際一舵落不測以山壓卵卵擊石
檣敲槳折白版埽性命泥沙在頃刻
東船西舫皆黎蒸吞聲束手誰哀矜
達官來往不敢問路人長憶長中丞
乾隆間長牧齋麟巡

撫江蘇有銅船糧船陵人者撻其丁貶其吏

澗東兜率院老槐歌

怪雲突兀橫幽谿巖石入天天爲低龍拏蛇掣瘦蛟怒蓬
鬆項尾盤青貌睛定辨是一老樹枝檜榦拄依招提蒲團
白髮比邛死欲問年歲誰能稽踏苔披蔓過其下太古風
色飄清淒須睂奇偏百歲叟直立我前高扶藜瞻仰蹇產
三大息此老何故逃幽蹊都堂音聲杳吉兆亂草重疊煙
痕迷樵夫斤斧不敢下海上大鳥來一唳終倚正直荷天
佑繁華歷換難傾擠太陰晦冥出野火恐有神鬼憑枝棲
欲溼未溼雨過畦將落未落日隱隄天生神物伏邨野但
供我輩聯吟題詩成付誰質真宰夜深雷電飛窗西

是夜
大雷

落葉

春色纔回秋色闌如環無委更無端
苑枯本不累根蒂呼
吸偶然分燠寒浩浩山河自流峙
紛紛蜂蝶惜凋殘蒼黃
滿地西風冷我與虬松一例看

夢游廬山

徑轉松回鳥不鳴斗然頭上落泉聲
肝腸自信清如雪纔
向開先寺裏行
了了雲峯倚碧空莫將清醒認朦朧
紅塵竟日開雙眼轉
恐光陰是夢中

答盛子履學博

窮居侍天運獨學恥干謁霜凋萬葉盡滿庭見寒月美人
贈瓊華輝光逼瑤闕挑鐙動高吟鶴唳起清樾

三代有雅聲宇內得者幾夢裏成連琴風煙隔海水藜牀
秋夜蟲獨諦不知止蕭條霜露多微音愧傾耳

夢溪山

西風吹落葉與此林一箇青
野火恐下則免
烈時恐公歟寒苦
山向自來
湖底
盤盤
樂計
庶幾
蒼林
本不
累
詩
語

齊集